



門 4  
孫 141  
卷 2



婦嬰新說卷下

論乳

夫乳者造化主界予產母養育嬰兒者也凡人與獸類初生非乳不能存活造化主知其然也兒未出世已令豫備兒產下乳亦適有本母之乳與兒體質恰合吮之兒肥健此益在子者也乳得兒吮母之身體轉益壯健精神爽適或子宮血露太多得兒吮乳而血止或素患他病得兒吮乳而病愈此益在母者也中土富貴之家相習成風別雇乳母既恐性質與兒不合且本母之乳不令兒吮易生病症乳癰乳炎每由於此人當思乳哺嬰兒母子兩益幸勿惜乳貽患也



有產後二三日發熱，由於生乳者，蓋兒出後，即有多血流於乳內，倘感受寒冷，乳不出，必發熱，身不安，輕者服發表及微利藥，令兒吮乳出自愈，如不吮出，恐成炎証，有膿，應豫用熱油塗手心，搓擦數次，不令堅硬，罌粟殼煎水洗潤，勿令風吹，痛者用治炎法，有膿者宜早割放去，膿內服樟腦鴉片止痛，外貼粥渣潤之日換二三次。

有乳頭略潰爛，兒吮則痛劇者，宜少與兒吮，更於兒吮前後用凍水及牛乳洗潤，潰爛多者，搽濃各息的水，後用豬油搽潤，如無各息的，用白礬膽礬砂水俱可，搽時應略痛，若不痛，換用濃者，搽後用清水洗淨，婦人有乳兒時，習慣患此症者，未產前

卽應豫用凍水頻洗，令乳頭之皮壯健，可免此患。○一法用牛骨髓白臘融和作膏，搽潤更勝豬油。

有初次兒吮乳略痛者，應暫時忍耐，久後自不痛。

兒初產下，數時至一二日之內，所生清乳，功力能瀉，兒吮之黑屎自出，若一二日黑屎不出，應用大黃或葶麻油瀉之，凡初時乳少，兒吮之乳自生多，乳頭縮者，吮之能令凸出，故以早吮爲妙。

兒吮乳宜有度，初生每歷一時，或一時半，吮一次，漸漸乳多而濃，兒亦壯大，每歷二時，吮一次，不宜過數，至戌亥時，臨臥之際，飽吮，令胃滿則臥安，夜間不須更吮，次早天將明時方與吮。

兒生兩三月內止宜吮乳勿食別物六七月後生牙時多費血力若身虛弱或乳不足者助以黃牛乳雞粥羊肉湯之類亦可法用猪肉或牛肉或羊肉十二兩俱宜精不宜肥切碎水一斤或井水或山水俱可攪勻微火緩熬滾少頃取起用夏布濾去渣入鹽少許飼哺或半熟雞蛋亦可但養兒之物莫如乳乳足者專與乳更佳凡油膩難消化各物皆非所宜小兒不食鹽則腸胃生蟲斷乳之期大約九十月為正不宜過一年或漸減漸斷或即時斷有吮至二三年者最為非宜蓋乳過一年大概清薄不能養育兒吮之多有面白身瘦肉鬆不堅或吐或瀉或尿色青綠不正或肚腹大或惱怒易哭夜臥不安身體因此軟弱病症因此

而起此不斷乳之害在兒者也一年之後乳已清薄強與兒吮能累母致胃不消化漸漸困倦無精神腰痛軟弱便秘不欲食頭昏耳鳴胃脇痛鬱悶或效嗽心跳面白多汗腳腫眼發青光此不斷乳之害在母者也無論害在母在子總以速斷為要若不肯速斷專恃藥劑飲食不能有益病輕者日益重病重者或致死即或不死亦令後來種種關係不可不知○斷乳期以九月至一年者蓋兒自六七月生牙至九月後漸能食物故以此為斷乳之期過此期不宜未及此期亦不宜有兒身虛弱九月尚未生牙者則勿斷又應少遲也斷乳之法漸減漸斷者乳不痛若忽然中止者一二日內或腫

痛防有膿宜用樟腦鴉片酒及潤油搽擦身熱服微利涼藥如元明粉大黃之類並宜食果物如葡萄之類婦人產子過一年久或十四月經水時至乳即清少更與兒吮母子俱損

論別母之乳

有乳頭不高凸兒不能吮或母虛弱乳清少不能養育嬰兒者不得已而用別母之乳必須詳慎選擇蓋本母之乳與兒體質無一不合別母之乳則有合有不合恐食之有損選擇乳母之法一問其年大約二十歲至三十歲者乳多過此者乳少二問其生兒月分愈近愈妙過久者不宜三視其乳滿大色白者爲

佳此外尚有數忌已有月經者勿用好飲酒者勿用性情剛躁善惱怒者勿用乳頭太大小不中常度者勿用若諸事俱合但乳不甚多此因貧苦食不滿量之故飽食後乳自充足

若貧窮之家本母無乳又不能雇覓乳母止得哺以獸類之乳或驢或牛或羊俱可驢乳味甘用水攪和宜沸湯或更在火上熬熱兒生十日內應用乳水各半十日後乳二分水一分一月後可全食乳不必配水矣但暑月驢乳易臭臭則不可食須用新乳爲宜牛乳濃過驢乳初用二水一乳漸用水乳各半二三月後乳愈加多水愈減少水牛之乳濃過黃牛定須配水中土市賣牛乳真假參半有雜入漿麵者小兒食之生病不可不辨羊

如身雜論 卷一  
乳濃過牛乳更須配水漸減少與驢牛乳配水法同凡牛羊乳  
並宜滾水攪入火上熬令交融略加白糖或更用粥渣攪入爲  
佳兩三月後可略食粥飯其餘肥膩糖餅一切概不宜食間有  
兒不能消化牛羊乳者宜藕蓮粉或沙穀米上海市肆稱西穀米用匙挑  
湔緩緩飼哺少食多次其初每一時一次一月後每二時一次  
食後高枕安臥不可舉擻弄恐防嘔出飼哺時宜將兒頭略  
仰勿令平平則食難吞嚥也

論小兒宜忌

小兒不宜多食果不宜多食酸甜難於消化有時大便瀉泄由  
於所食之物不合應改食別物牛乳藕蓮粉沙穀米融合熬熟  
食之功能止瀉若便秘者用太麥粉一小麥粉三共重一兩水  
半斤攪合煮半刻入牛乳白糖及鹽少許夏布濾去渣勝服藥  
物也

小兒食後腹痛而大因食多或過食甜物之故應改變飲食最  
宜雞鬚或雞湯未生牙不可食肉更有已生牙食物習慣速  
吞未會細嚼並令胃中不易消化母應留心教令改變  
小兒宜居通風之室常令日光射入不宜晦暗身須溫暖勿令

居濕地足勿寒露宜勤洗滌身體脫換衣服每見小兒皮病多因汗孔污塞所致應用肥皂或淡鹼水溫洗洗後用布拭乾自無癬癩蟻蝨之患

論嬰兒初生

嬰兒初生長一尺五六寸為率重約六斤為率大概男大女小男重女輕父母壯健者兒重虛弱者兒輕初出必哭者因內溫外寒之故哭聲以洪大為宜聲愈大愈壯健皮色青紅口鼻眼耳開通頭骨堅固不太潤眉髮指甲全備肛門瀉黑尿能吮乳愈壯健吮乳愈早此為完好之兒若哭聲低啞皮膚黑暗眼閉頭骨縫鬆虛或無眉髮或無指甲或無黑尿或四支弛縱無力或不能吮乳此是尚未長足有天癆者有成人而終身虛弱者大概足十月產者為宜間有滿七月產者或可生若五六月即產難望存活

凡產難嬰兒出或已死或半死或身體不全皆不宜即時說與  
母知防其驚傷此醫士穩婆所當慎重者也兒出不哭由於肺  
經呼吸不通不可即時遽剪臍帶有時帶中血不通行全身腫  
黑與溺水自縊之人相似皆有救活者惟黑甚而臭者一見即  
知全死不必更治矣凡不哭不呼吸急用手拍兒背如不應治  
有數法用手巾抹拭口內雞毛掃喉搓擦手足胷及全身各  
處凍水徧灑頭面周身或浸入溫水之中溫水以寒暑表  
一百度為率或濃  
酒洗手足胷洗後並須拭乾溫覆蓋倘諸法用過不應醫者  
一手捏兒鼻孔一手按捉兒胃自蓄其力合兒口吹入旋用手

論小兒初生時病症

凡產難嬰兒出或已死或半死或身體不全皆不宜即時說與  
母知防其驚傷此醫士穩婆所當慎重者也兒出不哭由於肺  
經呼吸不通不可即時遽剪臍帶有時帶中血不通行全身腫  
黑與溺水自縊之人相似皆有救活者惟黑甚而臭者一見即  
知全死不必更治矣凡不哭不呼吸急用手拍兒背如不應治  
有數法用手巾抹拭口內雞毛掃喉搓擦手足胷及全身各  
處凍水徧灑頭面周身或浸入溫水之中溫水以寒暑表  
一百度為率或濃  
酒洗手足胷洗後並須拭乾溫覆蓋倘諸法用過不應醫者  
一手捏兒鼻孔一手按捉兒胃自蓄其力合兒口吹入旋用手

輕壓兒肺令其呼出如是數次一半時後多有呼吸通而哭聲出者並宜用衣物周身包裹勿令寒冷惟頭面宜露置母身旁以接溫暖○有初生舌縮短入喉塞住者應用一指壓舌令出○初生頭不正或過長不圓大概能自長好不必治○初生頭皮內有水高凸似癰非癰因產時久壓所致治用酒或醋輕擦數日後漸消○初生眼腫或面黑或口角上掛用罌粟殼水冷洗或溫水浸手中按面○無小便將兒下身浸入溫水小便即出不大便服大黃末四五釐或蓖麻油一二錢但初生三四時內無大小便應細驗肛門尿管各處有無阻塞或有應用割法者詳西醫略論○小兒乳旁生炎熱痛紅腫用罌粟殼水冷洗潤油溫擦

內服微利藥外用粥渣潤貼數日愈○初生一二日或七八日眼炎証見眼蓋紅腫眵多粘塞不開因兒在陰道時膠水入目或母素有疔毒染入兒目更多初產下時不會用水洗淨眼睫此証有膿者大有關係能令眼壞愈久愈難治法應洗去膿潤油擦擦上下眼胞及睫毛滴入淡鉛水或淡礬水詳西醫略論下法白礬一分半或二分水一兩或洗或滴入日二次○有臍帶已出肚皮略有血或紅痛或爛應將膿洗淨貼潤膏藥外用粥渣潤之若有肉牙一粒凸出用各息的或膽礬塊抹平更用白礬末灑肚上○初生十數日黃病大概無妨略服水銀散及微利藥惟因膽管塞住或肝內有病而黃服藥不應日漸劇或摸試

肝大者則無治法久必死○初生舌筋短或舌筋生舌尖下不能伸出過唇吮乳艱難異日言語必不清試驗舌中凸者即是此証法用圓端交剪將相連處剪開但剪端宜略向下勿向上防傷舌底脈管故也○初生缺唇能吮乳者不必急治俟兩三歲以上方可縫結縫結法見西醫略論

小兒有病不能自言醫者須用心體會面色太紅太白眼不靈活畏光眉心皺呼吸急促身熱便秘或黑而臭睡臥不安忽然驚醒哭聲改變常度即是有病証據○小兒污濁或尿布醃累致腋下腿肘腎囊等處皮紅破或癢或微痛應洗淨用漿粉末乳細夏布包撲患處重者搽鉛水及潤膏藥○小兒冬日手足

凍冷平然近火每生凍瘡未破者用樟腦鴉片酒或油酒調和搽擦已潰者搽豬油黃臘膏並宜用繇花包裹常令溫暖○小兒腹痛瀉泄因飲食不合而致者宜服大黃末三四釐八角油一二三滴無油用桂皮散四五釐能止瀉止痛有時因母惱怒乳質改變小兒吮飲亦能致瀉一二日能自愈不愈者並用此法治之○小兒口瘡或生唇內皮或口角或牙肉及周圍各處大概因食別物不合所致或他病所累重者不能吮乳致母乳頭漲病母子兩有關係治法桂皮散一分大黃末二分白粉或牡蠣粉四分共乳作散日服七釐溫水和服外用硼砂末一錢餘蜜小錢攪和用軟筆調搽日一二次○小兒耳輪破爛耳內流膿水

出牙時此証最多，用溫水洗淨，搽鉛水及潤膏藥，能止癢、紅腫者，用粥渣或麵包牛乳攪和貼，每一二時換一次，便秘者服太黃或蓖麻油，膿多者洗淨，滴入潤油三四滴，繇花塞耳門，側臥，令膿易流出，中土醫法，習用散末塞入耳路，無益有損，因此耳聾戒之。○小兒因母疔毒傳染，口角鼻孔或腎囊女則陰戶、肛門等處生瘡，略潰爛，治法溫水洗淨，內服水銀散三四釐，大黃四五釐，白糖攪和，日一次，服三四次。○有小兒頭皮髮內生癬，治法剃髮，用肥皂或鹼水溫洗，日二次，更用水銀硫磺猪膏法見前搽擦。一法先用硼砂五錢，醋三兩，水四五兩，洗滌，能治癬癩，用油綢包頭，以助膏藥功力。

論生牙換牙

小兒七八月初生者為乳牙，七八年後換生者為真牙，乳牙凡二十，真牙凡三十二，真牙在乳牙之下，蓋牙在上下床骨內，太小已定，出後不能再長，兒面小，若真牙遽出，床骨不能容，所以初生乳牙，年長更換真牙為此也。每有小兒六七月至一年餘，多哭，夜不能臥，或腹痛瀉泄，或抽搐驚癇，皆因生牙致病，口熱，牙肉痛，口水多者，母用指入兒口，擦牙面，兒最快適，或用甘草一條，醮蜜，令兒咀嚼亦佳。或用象牙作同塊亦可有時牙肉紅腫，不令人擦，發熱，面紅，口渴，驚駭，夜臥不安，因牙肉緊，牙欲出不出，法用牙力，或圓口，或三角口。牙力圖見西醫略論將牙肉割開，小牙割一直

口大牙縱橫割成十字形均須割至牙面即時快適所患病症  
 自愈有出牙時身熱食少者止可吮乳勿食別物便秘者服微  
 利藥大概出牙時略瀉不妨不可服收斂藥身體不安頭熱者  
 冷水洗頭脫去帽忽然驚癇者徧身浸入熱水冷水洗頭有頭  
 面身各處生癩癩或頸生核者亦宜服微利藥外用水銀二錢  
 硫磺末四五錢共乳細另用猪油一兩攪和搽擦日一二次  
 七八歲換真牙因多費血力亦有身略不安或較平日少瘦者  
 大概無甚關係真牙能自生出不須醫割間有參差不齊者應  
 用鉗脫去乳牙讓出地步漸能齊整但須辨確乳牙方可脫不  
 可誤脫真牙蓋真牙一去終身不能再長也若牙肉痛血出用

硼砂水洗平日用樟腦末一分白粉七八分擦牙  
 臥時冷水漱口不令生牙垢可免齒壞及痛苦

白粉係搥石所成 臨

麻証論

麻証初起發熱惡寒鼻塞流涕多嚏不欲食喉痛聲啞欬嗽眼胞紅淚流三四日頭面先見紅點攢聚漸連成片形如花瓣或如半月其色鮮紅如臙脂平而不凸眼白殼略紅有時口內紅第五日全身皆見或面更紅有時眼蓋腫不能開第六日兩足亦見面頸色漸淡第八日全身皆淡第九日淡極不見矣凡生麻處外皮初起鮮紅漸淡則微黃而白皮膜飛起似魚鱗脫落微癢此証小兒大概必有一次同時挨戶傳染者多無甚關係但恐生麻時被風吹偏隱入則危重者或累肺經生炎不安欬嗽過多或累腦亦有死者凡遇外間傳染麻証之時小兒即應

保護勿出外，若見傷風咳嗽，無痰多嚏，口渴，潮少，皮乾熱，或吐瀉，脈數，夜更重，卽防生麻，務宜避風，溫暖戒口，至麻已見，若肺經不安，呼吸急促者，用熱水置面盆中，將兒頭向盆，低覆手巾，蓋護，令熱氣蒸騰入肺及眼，自最佳，若面乾癢不安，用醋一分，水三四分，溫洗，日一次，有時便秘，略見譫語，應服發表微利涼藥。○麻不發出，色紫如瘀血，發熱過劇，或身弱，或內部有炎，極危險，多有死者。○有麻証將退時，自瀉者，不必服藥，止瀉，蓋餘熱從大便瀉去，最爲有益，病愈仍宜溫暖，勿受風寒。○麻証間有人出二次者，甚少，大約真麻止出一次，但一人患此，同屋小兒，皆能傳染。○兒出牙時，多有皮色見紅者，但無寒熱咳嗽表

証卽知非麻

瘧証論

歐羅巴古無瘧症、自亞細亞傳來、或言波斯傳自印度、印度傳自中土、大約此証自東而西、昔三百六十年前、歐羅巴人往尋亞美利加、彼洲向無瘧証、自此人至後、各國延染、死者至三百萬人、近北極各處、幾於舉國皆死、此傳染之証據也、傳染之由、或因於風、或因於人、或因於人之衣服、便溺、然人性質有易染有不染、証有輕有重、輕者傳染於人亦輕、重者傳染於人亦重、有時患者輕而染者重、凡受染後、十日、至十四日、而病作、毒愈濃、愈重、傳染亦愈易、所以屋不宜過密、衣被不宜過厚、飲食不宜過多、未病者不可居病者下、風便溺最忌停留、有時已死猶

能傳染宜將房屋什物洗淨衣服燒燬可杜傳染之患○受染  
多由於膿膿乾結痂猶能傳延屋內宜通風氣焚硫磺之類以  
改其毒痘証關係最大分別輕重二種顆粒少而分離為輕顆  
粒多而相連為重証分三候傳染感受之時為第一候發出之  
時為第二候退散之時為第三候自病染至病作大概十四日  
居多初起惡寒發熱口渴頭昏痛嘔吐時欲寐腰痛冷噤三日  
後有小紅點如蚊噬漸凸始見於頭面漸而全身皆有有時口  
眼喉內皆有發熱輕者痘亦輕發熱重者痘亦重點少者輕點  
多者重痘出後發熱即止痘粒漸大而高周圍色紅更三日粒  
內有水中心略平積日紅痛更甚水漸成膿八九日滿足大過

黃豆更微發熱口渴十一日炎漸退痘漸乾結痂十四日痂落  
必有痕或淺或深此痘証之順者也逆者熱重譫語嘔吐腰痛  
甚顆粒徧布不清塌陷色紫或棕或藍或臭有惡水似血膿色  
不正或累腦肺喉腹各處多有死者或不死二十日結痂有木  
痕凡痘証第八九日最為危險之候此時略發熱不妨若熱重  
身大不安或增多或腦病譫語俱能致死昔有名醫論出痘逆  
証一百六十八人七日內死者三十二人八日至十五日死者九  
十九十五日至二十一日死者二十一太約七日內死者毒至  
重餘則八日外死者最多不論輕重喉痛不能食聲啞皆危險  
因痘生於氣管之故或有生於上脘內皮不安口水必多有時

頸項生核、有膿、或臀肉破、或欬嗽難呼吸、若疑未滿足、忽然隱入、大有關係、大概此証、人生必不能免、婦人懷孕時、亦能染受、且能傳染腹內嬰兒、每有因此半產者、昔有一婦人、出痘十日、已滿足、十八日產下嬰兒、亦有痘、尚未滿、旋死、又一婦人懷孕、其夫出痘、兒死腹中、產下、知在子宮內染痘之故、亦有兒在腹內、傳染出痘、產下、已有痘痕、終身不更出者。

治法、無論男女、大小、出痘時、所居房室、最忌閉密、不通風氣、或衣服被褥過厚、或多食熱物、俱能令毒濃、且易傳染、宜開通戶牖、常令屋內清涼、此一要也、至初見病証、人人不同、或宜補、或宜瀉、或宜涼、或宜溫、應隨証施治、不能拘定一法、今粗舉大略。

凡出痘時、身安無所患苦、不必服藥、若初起脈浮、惡寒甚者、宜

發表、頭痛、大發熱、舌胎厚、宜涼瀉、虛弱、面色晦白、手略抽搐、宜

補、虛極者方離哪美酒、可略飲酒、牛湯、俱可用、熱少、脈細、無精神者、宜飲

樟腦水及美酒、不能寐、大不安者、飲樟腦鴉片水、或服鴉片丸

四五釐、足冷者、熱水澆洗、或用熱水貯盆中、兩足浸入、或貯熱

水於器內、兩足踏水器、以接溫暖、或燒熱磚、用布包裹、兩足踏

之意、皆主於引血下行、若發熱、嘔吐、痘不出、用芥末熱水攪和

貼胸前、或貼斑痧膏藥、亦可、若喉痛、不能吞嚥、外用罌粟殼野

菊花水洗、更以手巾浸入水內、取起絞去水、按頸前、涼則更換

多次、內用酸醋溫水各半、噉喉、若髮內有痘、應剃去髮、不然日

後防成膿、瘡若累腦則謔語、應剃髮冷水洗頭、累肺則欬嗽呼  
吸急促、應服止咳嗽潤藥、口渴者食葡萄柑橙及粥茶之類、便  
秘者服葶麻油、木黃朴硝元明粉、梨果之類、眼熱痛、分別淚炎  
膿炎二種、詳西醫略論日用溫水洗二三次、滴入膽礬水或白礬水、  
潤油搽眼睫、痘証最易累眼、每見中土醫者半由出痘時眼生  
點翳所致、但覺紅痛時、即宜豫先謹慎、屋內最忌光烈、偏射宜  
垂簾以蔽之、痘癢者、用猪油或麻油或灰水攪和、雞毛浸搽不  
可搔、恐搔破有關係、小兒兩手指須用繅花包裹、防其妄搔、頭  
面各處也、痘退可食雞牛羊肉湯及藕蓮粉西穀米牛乳雞蛋、  
後身弱者、可照常食飯、並宜常食魚肉、惟不宜飲酒、若痘粒過

多、偶有一二處自潰、膿水流出者、用漿末乳細夏布包撲患處、  
有時出痘後身不安、因熱過多、用布浸溫水洗周身、以潤之、痘  
痂落後有痕者、用潤膏藥猪油搽、面痕多過別處、須豫用水銀  
膏藥搽潤、後來痕少、大概痘後有痕、必不能免、惟身涼痘少者、  
痕亦輕耳、○有時痘色紫如瘀血、有癰或細碎或大片、太熱脈  
細舌苔黑、謔語、抽搐者、大概必死、○有時痘後生太膿瘡、火疔  
瘡、或身虛弱、經年不能復常者、出痘餘患、不可輕視、

水痘附

似痘無膿、中有水者、俗名水痘、見於手臂頸者多、一處三四  
粒、四五日自乾、此証無甚關係、亦不致傳染、患者宜食涼物、

種痘論

種痘有新舊二法。舊法取出痘輕者之痂，塞鼻或略破外皮，取痘漿沾接中土，稱為苗痘。前一百五十年，土耳其傳此法入英國。初時出痘死者十中二三，自用此法，百人中偶有一二死者。大概發熱不重，痘粒稀少，人多喜悅。但苗痘如布種，能令其出不能漸絕其患。雖種者視自出者較輕，但因此傳染於人，受染而出者更多。有時痘毒即從種苗痘之醫傳來，死者反多。過曩時，後於嘉慶初年，英國有醫士名占拿者，悟得新法，其妙無窮。今特詳述之。先是西國有人畜牛，取乳或云其人用手擠乳，因而手生泡，終身不出痘。占拿醫士細心體察，見牛乳頭或乳傍

有小疱數顆形如痘粒因思意牛痘能解散人瘡之毒試爲小兒用銳刀挑破外皮一二處取牛痘漿沾接見其灌漿結痂儼然如痘數月後用苗痘舊法試之此兒一粒不出遂悟牛痘能免出痘之患於是屢試屢效活人無算法於木臂或左或右或兼左右用小銳刀平刺外臚皮膜不見血爲妙用象牙器挑瘡漿少許沾接刺破處若微見血出少待俟血止然後入漿勿令流去二三日後見紅點如蚊噬四五日漸成小疱八日漿滿足略黃如珠頂平微凹周圍根腳如有紅線圍繞中徑約一寸九日十日至紅周圍堅硬略腫十一日漸消中央先變白色結痂十四日至十八日痂落有痕若欲轉種別人當漿足時用針刺

取少許雖遞傳于萬人可也此法流傳不但痘証無危險之慮且可令國中漸減而無英王大喜酬以番銀八萬後他國爭相學習禁止苗痘令民間專用此法溯考瑞顛國一千七百七十九年出痘死者一萬五千人一千八百零一年死者六千人越二十一年八百人自得此法一千八百零一年死者六千人越二十一年死者三十七人其明年死者僅十一人荷蘭國先時出痘死者甚多自王令國人皆用此法聞近日已無痘証又一國木城先時種苗痘每年死者四百七十二人後用此法死者一百七十五人越十年死者五十人又越十年死者僅一人此漸減漸少之效也又考佛蘭西有一大城共四萬人二十人己出痘三萬

人已用新法種痘八千人未種未出後值時行痘証挨戶傳染之年二千已出痘之人有二十人受染再出四人死八千未種未出之人四千人受染出痘一千人死其已種三萬人中有二千人受染再出二十人死可知種痘之益大矣若使英華各國人人用此法久後天壤間永無痘証之患豈非快事或云種痘有人不宜或云種後仍防再出請更推論其故凡嬰兒種痘三月至五六月最佳惟出牙時身多不安不宜種或適患他病時不宜種此外則無人不宜矣痘漿由血內傳入初應略發熱一據也輕者兒不甚覺八九日痘漿滿足二據也身不安三據也痂落後有痕四據也若無此據是種不合法雖或見點未必有滿漿紅

根是為假痘應更種第二次可也平日自出之痘發熱三日見點至第五日漸重第八日漿足為最重之期過此漸回種牛痘亦然昔有人欲驗痘出確否先於左臂種一處四五日試於右臂更種一處速起漿仍與先出一粒同時滿足但顆粒略小紅色較淡耳若已落痂後試更種之即不出矣五六日灌漿時勿令衣被擦破若微擦損熱痛者用牛乳及粥渣貼潤之至取漿遮種他兒與此兒並無所損但一粒者不可取兩粒者可取用一粒三粒者可取用一粒或二粒餘粒並應保護可也此法西國歷用多年萬無一失嘉慶十年傳種至粵東數十年來免除痘患甚多惜華俗種痘必須春日且醫者取漿遮種別兒人多

畏吝不肯因此幾易間斷附近五港士民知此法者雖多尚未能通行各省竊見中士嬰兒因痘証夭殤者指不勝屈舊法用苗痘塞鼻猶多失誤且不能杜絕通國痘患所望有權位之人將我西國種痘新法垂諸令甲人人奉行無時行傳染之事裨益斯民豈淺鮮哉至於醫士仁人各宜學習此法廣為傳勸設法收漿勿令間斷須知種後偶或再出必較未種之毒減輕亦屬有益無損幸勿疑慮觀望實余之厚望也

聞華醫令求種者質八九日送漿來則還給之或令富者取貧者之漿酬以銀物果食皆收漿良法也。取漿無損於嬰兒中土每有愚人不肯可惜也。

印度醫士先時但知苗痘舊法後西醫教以種痘新法雖未通

行然多有願習此法者若能家喻戶曉專用新法則所全活者更多矣嘗取苗痘及種痘新法推論新法勝過苗痘之處不可枚舉約略計之有須知者十端取漿遞種須擇小兒壯健無病皮無癩癩者為佳若醫士不曾揀選好漿遞種後漿漸清薄無功有時再出此須知者一也種痘合法一生不再出此須知者二也若時行傳染之際已種者疑慮防更受染雖二十十年後仍可試種二次初次種已合法者再種不出或有初次種未合法者再種再出亦可免染時行之痘毒昔有一國王當痘証傳染之際令兵丁全用新法試種因此死者甚少此須知者三也苗痘較出痘為妥但較種痘新法萬不能及苗痘間有死者新

法則從未死過一人此須知者四也苗痘止能保全一人不能保全受染之人且不能免通國痘患此須知者五也東土士民多不信願推原其故因見昔曾有人種而又出不知此因未曾揀選好漿愈遞愈薄種不合法有名無實醫者之過非新法不善此須知者六也西國有醫館專司種痘四時有漿遞傳中土因天熱停種有時漿間斷可將西國之漿傳來傳漿之法貯漿小玻璃瓶內傳至中國漿猶未乾功力最善其次用玻璃兩片合住痘漿錫箔包固臨時啟開呵潤取用再次傳乾痂來臨時和以滾水一滴潤開用之此須知者七也種後醫應用心體察試看有無紅根痘漿會否滿足痂落後有無痕以別真假此須

知者八也取漿法視有兩粒者取用一粒不可兩粒並取五日  
至八日之漿爲宜過早過遲不中用此須知者九也種痘四五  
日後著衣脫衣均須細心勿令擦損此須知者十也凡種痘合  
法終身不再出雖航海遠適異國亦無延染之患此真第一良  
方也

選用方藥

斑蝥硬膏藥 黃臘七兩 牛脂七兩 猪油六兩 松香三

兩 微火漸熬融合離火加入斑蝥細末一斤攪和

補血丸 鐵鏽二錢 或鐵屑亦可 沒藥一錢 硫黃一錢 牛膽汁

攪和作丸 每服二粒早晚服補身弱治黃病

青礬沒藥丸 青礬末一錢 或鐵鏽亦可 沒藥一錢 黃連膏 無如

用蜜亦可 攪和為丸 能全補 每服一二粒

青礬薑沒丸 青礬 生薑末 沒藥 等分用蜜和為丸

每服一粒日服二三次 能補身弱並治黃証

青礬哪丸 青礬 研細末或鐵鏽亦可 沒藥各一錢 哪哪三十釐

川椒二十釐 用蜜和為丸六十粒 每服一粒至三粒 治身弱胃不消化發寒熱調經極效

啞囉大黃丸 啞囉二十釐 大黃三十釐 或黃連膏或蜜和作十二粒 能補胃消食微利 每服二粒至四粒 飯前

前半時服

輕瀉丸 迦路米三釐 如無以水銀散五釐代之 啞囉嘶膏七釐 大黃

末五釐 丁香油一二滴和作二粒 大便微秘色淡服二

粒有功力 如無啞囉嘶倍大黃亦可

白礬散 白礬一兩 兒茶二錢 乳作細末 能收斂止血 止瀉又治婦人血崩 每服七釐至十四釐 溫水調服

兒茶荳蔻散 兒茶一兩 荳蔻 桂皮各半兩 乳細末入玻

璃瓶內勿泄氣能收斂暖氣每服半錢至二錢

桂皮散 桂皮 生薑末各一錢 白荳蔻華撥各五分和作

末入玻璃瓶內勿泄氣能去風暖氣每服二十釐至三十

釐滾水和服

麥漿粉 麥漿凝結成塊中土漿衣所用俗名小粉者乳極細

末布包撲小兒皮爛極效

鉛散 鉛粉一 濃醋十 攪和微火消瀝去渣滓或曬或火

上收乾作散功能收斂內服止血每服一釐至三釐日二次

溫水和服或合鴉片膏二釐作丸每服一粒

水銀散 又名銀灰散 水銀三錢 石粉五錢 乳至不見水銀為度

兒茶水 兒茶二錢五分 桂皮末五分 滾水半斤沖 能收斂止瀉 每服一兩日服三四次

黃連水 黃連二錢切片 佐以樟皮檳榔皮各二錢 如無即不用亦 滾水十二兩沖 能補胃食物不消化或不思食宜之 每服一兩日服二三次

胡麻子水 胡麻子五錢 甘草二錢 滾水一斤沖 或火上煮 能潤肺潤膀胱弱管 每服半兩日服數次

薄荷水 薄荷葉二錢 丁香一錢 八角二錢 滾水半斤

沖 能治腹痛去風 每服一兩

黃連大黃水 黃連大黃各二錢 滾水十二兩沖過一時取用 能治便結並治胃弱不思食物不消化

大黃水 大黃一二錢切片 滾水半斤沖 佐以元明粉朴硝 或加生薑少許 能微利 每服一二兩

鐵水 鐵鏽或鐵末一兩 黃連 生薑各半兩 淡醋十二兩 攪和浸入一月後去渣 每服一錢日三服 能補血

石沒子水 石沒子一兩 水一斤 煮至半斤 能收斂洗痔瘡脫肛 婦人白帶洗陰戶俱宜

罌粟殼水 罌粟殼一兩 滾水一斤 煮一刻 用布瀘去

渣 能潤外皮

樟腦鴉片酒 樟腦二錢 鴉片膏一錢 濃酒一斤半 八角油 如無不用亦可 七日後濾去渣取用 止咳嗽令人安臥止痛 甚效每服一錢至二錢

鴉片酒 鴉片膏八錢 桂皮末 丁香末 各一錢 淡酒十二兩 內服止痛令人安臥 每服十滴至四十滴 滴入眼內 治舊炎 並治耳膿牙痛

兒茶酒 兒茶三兩 桂皮末二兩 酒一斤半 浸入七日 至十四日 能收斂 治久瀉久痢 流白濁 每服一錢至二錢 黃連水和服

桂皮酒 桂皮末六錢 白豆蔻三錢 華撥 薑末各二錢 酒一斤 能補火補精神 暖氣開胃 每服一錢至二錢 溫水和服 又治風濕

黃連酒 黃連一兩 樟皮五錢 白豆蔻三錢 酒一斤 半 浸入十四日 能補胃開胃 食物不消化 不思食者宜 之日服一錢至三錢 溫水和服

大黃酒 大黃二兩 甘草六錢 生薑三錢 濃酒一斤半 每服一錢至二錢 能暖胃 多服四錢至八錢 能微利 老人 虛弱人並宜

鐵酒 鐵鏽或鐵屑四兩 鹽強水或硝強水半斤 酒一斤

先用強水消鐵末後用酒和 能補血治黃症及小便難  
每服十滴至六十滴

斑蝥椒樟酒 斑蝥末 青蒜各一錢 樟腦 芥末川椒各

四錢共搗爛 濃醋四兩八錢 濃酒九兩六錢 攪和浸

七日濾去渣滓取用 擦皮肉交節日二次能引病外出最

妙

八角油 用八角刺蒸釀如造酒法 能補精神治風止腹痛

每服三四滴至十滴蜜水和服 小兒初生服一二滴良

薄荷油 或專用薄荷葉或全用蒸釀如前法能補精神去風

止腹痛每服一滴至三四滴

草麻子油 草麻子能瀉用油更有功力取油法或榨或泡榨

者良小兒每服一二錢或三四錢大人每服五六錢或八錢

必能速瀉 此雖瀉藥然服後無關係無論大人小兒或婦

人產後大便難皆可服 若嫌氣味用雞蛋黃攪和可也

潤皮油 雞蛋黃一二個 蜜 胡麻油各八錢攪和搽皮爛

最宜

[Faint, illegible text within a rectangular border]

